

則大均

地政上所以正下地守地職下所以供上人民牛馬車輦之力政則征于地守地職之人而已

師氏掌以媿詔王以三德教國子一曰至德以爲道本二曰敏德以爲行本三曰孝德以知道惡教三行一曰孝行以親父母二曰友行以尊賢良三曰順行以事師長居虎門之左司王朝掌國中失之事以教國子弟凡國之貴遊子弟學焉凡祭祀賓客會同喪紀軍旅王舉則從聽治亦如之使其屬帥四夷之隸各以其兵服守王之門外且蹕朝在野外則守內列

師氏保氏凡祭祀賓客會同喪紀軍旅王舉則從
聽治亦如之則是詔媿諫惡之官無適而非從夫
然後王無一媿之弗爲無一惡之弗去王唯無惡
而有媿則四夷服而爲役可責以守禦也

王唯以下二十

字據訂
義增

保氏掌諫王惡而養國子以道乃教之六藝一曰五
禮二曰六樂三曰五射四曰五馭五曰六書六曰九
數乃教之六儀一曰祭祀之容二曰賓客之容三曰
朝廷之容四曰喪紀之容五曰軍旅之容六曰車馬
之容

先王本道以達為藝緣道而制為儀

義疏同訂義引作道與之

才先王達之以為藝道與之貌先王制之以為儀

凡祭祀賓客會同喪紀軍旅王舉則從聽治亦如之

使其屬守王闈

師氏未有媿而詔之故曰掌以媿詔王保氏遇有

惡而後諫故曰掌諫王惡師氏保氏皆使其屬守

則亦有保之名焉守事非其身之所任矣闈者

旁出之小門

此句從訂義增

司諫掌糾萬民之德而勸之朋友正其行而強之道

藝巡問而觀察之以時書其德行道藝辨其能而可

周官新義
三
任于國事者以攷鄉里之治以詔廢置以行赦宥

知吏之實故可以詔廢置知民之實故可以行赦

宥

司救掌萬民之衰惡過失而誅讓之以禮防禁而救之凡民之有衰惡者三讓而罰三罰而士加明刑恥諸嘉石役諸司空其有過失者三讓而罰三罰而歸于園土凡歲時有天患民病則以節巡國中及郊野而以王命施惠

調人掌司萬民之難而諧和之凡過而殺傷人者以民成之鳥獸亦如之凡和難父之讎辟諸海外兄弟

之讎辟諸千里之外從父兄弟之讎不同國君之讎
眡父師長之讎眡兄弟主友之讎眡從父兄弟弗辟
則與之瑞節而以執之凡殺人有反殺者使邦國交
讎之凡殺人而義者不同國令勿讎讎之則死凡有
鬪怒者成之不可成者則書之先動者誅之

媒氏掌萬民之判凡男女自成名以上皆書年月日
名焉令男三十而娶女二十而嫁凡娶判妻八子者
皆書之中春之月令會男女于是時也奔者不禁若
無故而不用令者罰之司男女之無夫家者而會之
凡嫁子娶妻入幣純帛無過五兩

婚姻欲致一故用純色之帛天數五地數五五位

相得而各有合五兩則以天地合數為之

此注據訂義增

禁遷葬者與嫁殤者凡男女之陰訟聽之于勝國之

社其附于刑者歸之于土

社陰故于茲聽陰訟神所在也明當敬而不褻

周官新義卷六

後學 王簡 校訂

周官新義卷七

宋 王安石 撰

地官二

司市掌市之治教政刑量度禁令以次敘分地而經
市以陳肆辨物而平市以政令禁物靡而均市以商
賈阜貨而行布以量度成賈而徵儻以質劑結信而
止訟以賈民禁僞而除詐以刑罰禁_僇而去盜以泉
府同貨而斂賒

大市曰昃而市百族爲主朝市朝時而市商賈爲主
夕市夕時而市販夫販婦爲主

凡市入則胥執鞭度守門市之羣吏平肆展成奠賈
上旌于思次以令市市師涖焉而聽大治大訟胥師
賈師涖于介次而聽小治小訟

器中度布帛精粗中數木中伐禽獸魚鼈中殺此

所謂成也

此注據
訂義增

凡萬民之期于市者辟布者量度者刑戮者各于其
地之敘凡得貨賄六畜者亦如之三日而舉之凡治
市之貨賄六畜珍異亡者使有利者使阜害者使亡
靡者使微

凡通貨賄以重節出人之國凶荒札喪則市無征而

作布凡市僞飾之禁在民者十有二在商者十有二在賈者十有二在工者十有二市刑小刑憲罰中刑徇罰大刑扑罰其附于刑者歸于上

國君過市則刑人赦夫人過市罰一幕世子過市罰一帑命夫過市罰一蓋命婦過市罰一帷凡會同師役市司帥賈師而從治其市政掌其賣債之事

過市非所以明遠利也市人犯刑以利而已國君近市則市人何誅焉故國君過市則刑人赦所謂刑人亦憲徇扑三者而已幕也帑也蓋也皆底下之物爲上近利則無以底下矣

質人掌成市之貨賄人民牛馬兵器珍異凡賣債者
質劑焉大市以質小布以劑掌稽市之書契同其度
量壹其凖制巡而攷之犯禁者舉而罰之凡治質劑
者國中一旬郊二旬野三旬都三月邦國朞期內聽
期外不聽

質劑之治宜以時決久而後辨則證逮或已死亡

其事易以生僞故期外不聽亦所以省煩擾

省煩擾訂

義同義疏
作杜欺誣

塵人掌斂市紬布總布質布罰布塵布而入於泉府
凡屠者斂其皮角筋骨入于玉府凡珍異之有滯者

斂而入于膳府

屠者正以肉爲利

七字據訂義增

皮角筋骨屠者之餘財

也塵人斂而入于玉府明所取者非民之正利

胥師各掌其次之政令而平其貨賄憲刑禁焉察其詐僞飾行僨慝者而誅罰之聽其小治小訟而斷之賈師各掌其次之貨賄之治辨其物而均平之展其成而奠其賈然後令市凡天患禁貴僨者使有恆賈四時之珍異亦如之凡國之賣僨各帥其屬而嗣掌其月凡師役會同亦如之

司覈掌憲市之禁令禁其鬪囂者與其覈亂者出入

相陵犯者以屬遊飲食於市者若不可禁則搏而戮之

司稽掌巡市而察其犯禁者與其不物者而搏之掌執市之盜賊以徇且刑之

胥各掌其所治之政執鞭度而巡其前掌其坐作出入之禁令襲其不正者凡有罪者撻戮而罰之

肆長各掌其肆之政令陳其貨賄名相近者相遠也實相近者相爾也而平正之斂其總布掌其戒禁

泉府掌以市之征布斂市之不售貨之滯於民用者以其價買之物楬而書之以待不時而買者買者各

從其抵都鄙從其主國人郊人從其有司然後予之
凡賒者祭祀無過旬日喪紀無過三月

賒謂之賒則不卽入其價也

此注據訂義增

凡民之貸者與其有司辨而授之以國服爲之息凡
國事之財用取具焉歲終則會其出入而納其餘

司門掌管鍵以啟閉國門幾出入不物者正其貨
賄凡財物犯禁者舉之以其財養死政之老與其孤
司門總統諸門故掌管鍵之事

祭祀之牛牲繫焉監門養之

必使監門養牲則爲其於郊於國各有所近便於

其取夙夜啟閉未嘗乏使便於養視且眾所出入
其養視不謹易以幾察故也然而祀五帝享先王
不繫之門則其致嚴又異於此矣

此注據訂義增

凡歲時之門受其餘凡四方之賓客造焉則以告
司關掌國貨之節以聯門市司貨賄之出入者掌其
治禁與其征塵凡貨不出於關者舉其貨罰其人且
所達貨賄者則以節傳出之國凶札則無關門之征
猶幾凡四方之賓客敏關則爲之告有外內之送令
則以節傳出內之

掌節掌守邦節而辨其用以輔王命守邦國者用

節守都鄙者用角節凡邦國之使節山國用虎節土
國用人節澤國用龍節皆金也以英蕩輔之門關用
符節貨賄用璽節道路用旌節皆有期以反節凡通
達于天下者必有節以傳輔之無節者有幾則不達
門關則以符合之貨賄則以璽驗之道路則以旌
表之

遂人掌邦之野以土地之圖經田野造縣鄙形體之
灋五家爲鄰五鄰爲里四里爲鄣五鄣爲鄙五鄙爲
縣五縣爲遂皆有地域溝樹之使各掌其政令刑禁
比相保則鄰亦相保閭相受則里亦相受族相葬

則鄴亦相葬矣黨相救則鄙亦相救矣州相調則
縣亦相調矣鄉相賓則遂亦相賓矣

義疏引此作相保相受相

葬相救相調相賓之灋一與六鄉同蓋彙括之詞

以歲時稽其人民而授之田野簡其兵器教之稼穡
凡治野以下劑致甿以田里安甿以樂昏擾甿以土
宜教甿稼穡以興耨利甿以時器勸甿以彊予任甿
孟子曰唯助爲有公田許慎釋耨以商人七十而
耨則助耨一也興之以助公田則甿得所私焉所
以利之善其器則以勸謂之時器則器之用各有
時若耜以耕銍以穫

以土均平政辨其野之土上地中地下地以頒田里
上地夫一廛田百晦萊五十晦餘夫亦如之中地夫
一廛田百晦萊百晦餘夫亦如之下地夫一廛田百
晦萊二百晦餘夫亦如之

凡治野夫間有遂遂上有徑十夫有溝溝上有畛百
夫有洫洫上有涂千夫有澮澮上有道萬夫有川川
上有路以達於畿

以歲時登其夫家之眾寡及其六畜車輦辨其老幼
廢疾與其施舍者以頒職作事以令貢賦以令師田
以起政役

周官新詁 六
遂人既登其夫家眾寡六畜車輦遂師又以時登
則遂師登之於遂人遂人登之於小司徒

若起野役則令各帥其所治之民而至以遂之大旗
致之其不用命者誅之

鄉師致民以司徒之大旗遂人所謂大旗亦司徒
之大旗於是建焉於遂言遂之大旗則鄉可知於
鄉言司徒之大旗則遂亦可知

凡國祭祀共野牲令野職凡賓客令修野道而委積
大喪帥六遂之役而致之掌其政令及葬帥而屬六
綍及窆陳役凡事致野役而師田作野民帥而至掌

其政治禁令

遂師各掌其遂之政令戒禁以時登其夫家之眾寡
六畜車輦辨其施舍與其可任者經牧其田野辨其
可食者周知其數而任之以徵財征

經牧其田野猶小司徒所謂經土地而井牧其田
野不言井則以下言辨其可食者周知其數而任
之故也

作役事則聽其治訟巡其稼穡而移用其民以救其
時事

凡國祭祀審其誓戒其其野牲入野職野賦于玉府

賓客則巡其道脩庀其委積大喪使帥其屬以幄帟
先道野役及窆抱磨共丘籠及蜃車之役軍旅田獵
平野民掌其禁令比敘其事而賞罰

幕人大喪共帷幕帟綬今此幄帟非幕人所共矣
道野役帥以至墓磨者適厯執紼者名也邱籠之
役糞復土也其器曰籠蜃車匱路也匱路載柳四
輪迫地而行有似於蜃因取名焉行至壙乃說更
復載龍輻蜃車載闔壙之蜃者

遂大夫各掌其遂之政令以歲時稽其夫家之眾寡
六畜田野辨其可任者與其可施舍者以教稼穡以

稽功事掌其政令戒禁聽其治訟令爲邑者歲終則會政致事正歲簡稼器修稼政三歲大比則帥其吏而興眈明其有功者屬其地治者凡爲邑者以四達戒其功事而誅賞廢興之

凡國之政令自王達之於大司徒自大司徒達之於遂人自遂人達之於遂大夫自遂大夫達之於

爲邑者此之謂四達

此注據訂義增

縣正各掌其縣之政令徵比以頒田里以分職事掌其治訟趨其稼事而賞罰之若將用野民帥田行役移執事則帥而至治其政令旣役則稽功會事而誅

賞

遂官各降鄉一等其官亦各降焉故州謂之長縣與黨同謂之正鄙與族同謂之師移執事若遂師所謂巡其稼穡而移用其民以救其時事也

鄙師各掌其鄙之政令祭祀凡作民則掌其戒令以時數其眾庶而察其媿惡而誅賞歲終則會其鄙之政而致事

鄫長各掌其鄫之政令以時校登其夫家比其眾寡以治其喪紀祭祀之事若作其民而用之則以旗鼓兵革帥而至若歲時簡器與有可數之几歲時之戒

令皆聽之趨其耕耨稽其女功

里宰掌比其邑之眾寡與其六畜兵器治其政令以歲時合耦於耤以治稼穡趨其耕耨行其秩敘以待有司之政令而徵斂其財賦

鄰長掌相糾相受凡邑中之政相贊徙於他邑則從而授之

旅師掌聚野之耤粟屋粟閒粟而用之以質劑致民平頒其興積施其惠散其利而均其政令凡用粟春頒而秋斂之凡新甿之治皆聽之使無征役以地之媿惡爲之等

掌聚野之耬粟屋粟閒粟而用之者聚此三粟而

用以頒以散也

王氏與之曰鄭氏改而為若無義王氏連上讀之為是

施其

惠若民有難阨不責其償散其利者資之以利本

業者又散以與之

資之以下據訂義增

稍人掌令丘乘之政令若有會同師田行役之事則

以縣師之灋作其同徒輦輦帥而以至治其政令以

聽於司馬大喪帥蜃車與其役以至掌其政令以聽

於司徒

邱之政令司徒所掌乘之政令司馬所掌稍人掌

令邱乘之政令耳邱言其地乘言其賦所謂同則

邱地也所謂徒役輦輦屨車則乘賦也其作而帥
以至掌其政令以聽於司馬司徒則所謂令邱乘
之政令也

委人掌斂野之賦斂薪芻凡疏材木材凡畜聚之物
以稍聚待賓客以甸聚待躋旅凡其余聚以待頒賜
稍聚者所聚稍給之物甸聚者所聚甸賦之物余
聚者所聚經用之餘物頒賜用財之餘事故以余
聚待之

以式灋共祭祀之薪蒸木材賓客共其芻薪喪紀共
其薪蒸木材軍旅共其委積薪芻凡疏材共野委兵

器與其野園財用凡軍旅之賓客館焉

土均掌平土地之政以均地守以均地事以均地貢
均人無所不均故曰均地政土均雖有及乎地征
然以土爲主未及乎均人故言平土地之政有職
必有事有事必有職均人均地職而不均地事土
均均地事而不均地職均人均力政不均地貢土
均均地貢不均力政者互見也

有職以下
據訂義增

以和邦國都鄙之政令刑禁與其施舍禮俗喪紀祭
祀皆以地媿惡爲輕重之灋而行之掌其禁令

草人掌土化之灋以物地相其宜而爲之種凡糞

釋文

作種駢剛用牛赤緹用羊墳壤用麋渴澤用鹿鹹鴻
用貍勃壤用狐埴墟用豕彊墾用蕘輕輿釋文作輿與篆體合
用犬

糞種以糞糞之唯用蕘非以糞而亦謂之糞者其

用之也亦如以糞糞之

此注據訂義增

稻人掌稼下地以瀦畜水以防止水以溝蕩水以遂均水以列舍水以澮寫水以涉揚其芟作田

以瀦畜水待旱也以防止水待水也

此注據訂義增

凡稼澤夏以水殄草而芟夷之澤草所生種之芒種旱暵共其雩斂喪紀共其葺事

夏以水殄草則以夏水如湯利以殺草也喪紀共
其葦事葦生下地故也

土訓掌道地圖以詔地事道地慝以辨地物而原其
生以詔地求王巡守則夾王車

誦訓掌道方志以詔觀事掌道方慝以詔辟忌以知
地俗王巡守則夾王車

山虞掌山林之政令物爲之厲而爲之守禁仲冬斬
陽木仲夏斬陰木凡服耜斬季材以時入之令萬民
時斫材有期口凡邦工入山林而掄材不禁春秋之
斫木不入禁凡竊木者有刑罰

考工記曰凡斬斲之道必矩其陰陽陽也者稹理而堅陰也者疏理而柔是故以火養其陰而齊諸其陽則斲雖敝不斲所謂陽木則稹理而堅者也所謂陰木則疏理而柔者也疏理而柔宜以火養則斬以仲夏使盛陽暴之與火養同意陰木如此則陽木斬以仲冬宜矣季標枝也蓋因其材而揉焉

若祭山林則爲主而修除且蹕若大田獵則萊山田之野及弊田植虞旗於中致禽而珥焉

蹕止人犯其祭虞主山林掌其政令且爲之厲禁

也脩脩祭事除除地爲墀

脩除二句據訂義增

林衡掌巡林麓之禁令而平其守以時計林麓而賞罰之若斬木材則受灋於山虞而掌其政令

澤虞言使其地之人而守其財物而林衡不言林衡言平其守而澤虞不言互見也林之政山虞掌之林衡掌其巡之禁令而已澤之政澤虞掌之川衡掌其巡之禁令而已然則林衡正於山虞者也川衡正於澤虞者也

川衡掌巡川澤之禁令而平其守以時舍其守犯禁者執而誅罰之祭祀賓客其川奠

澤亦必如此而不言亦互見也其川奠其川物之

奠也不言物以澤虞見之

其川奠以下
據訂義增

澤虞掌國澤之政令爲之厲禁使其地之人守其財
物以時入之于玉府頒其餘于萬民凡祭祀賓客其
澤物之奠喪紀共其葦蒲之事

使其地之人守其財物則人自爲守所以澤雖大
莫或害其養蕃山林川澤皆有財物惟澤物入於
玉府者澤物最小也所以自養取薄所以養人從
厚夫是之謂王德又頒其餘於萬民則雖澤物亦
不盡利

若大田獵則萊澤野及弊田植虞旌以屬禽

澤野所謂藪也或言致禽或言屬禽則皆致而屬

之不言珥以山虞見之

或言以下二十二字據訂義增

迹人掌邦田之地政爲之厲禁而守之凡田獵者受令焉禁麇卵者與其毒矢射者

名曰迹人以迹知禽獸之處而後可得田而取矣邦田無地則鳥獸無所生有地而無政則其生不能蕃息雖有政不爲厲禁以守之則侵地盜物所以于有司者眾矣雖爲厲禁以守之然雉兔者往焉亦弗禁也

廿人掌金玉錫石之地而爲之厲禁以守之若以時取之則物其地圖而授之巡其禁令

角人掌以時徵齒角凡骨物于山澤之農以當邦賦之政令以度量受之以其財用

羽人掌以時徵羽翮之政于山澤之農以當邦賦之政令凡受羽十羽爲審百羽爲搏十搏爲縛

掌葛掌以時徵絺綌之材于山農凡葛征徵草貢之材于澤農以當邦賦之政令以權度量受之
掌染草掌以春秋斂染草之物以權量受之以待時而頒之

周官新義
卷之八
四
掌染草至掌蜃所徵亦必當邦賦之政令而不言
者則以角人羽人掌葛見之

掌炭掌灰物炭物之徵令以時入之以權量受之以
其邦之用凡炭灰之事

掌荼掌以時聚荼以其喪事徵野疏材之物以待邦
事凡畜聚之物

掌蜃掌斂互物蜃物以其闡壙之蜃祭祀其蜃器之
蜃其白盛之蜃

用蜃以禦濕除狸蟲

圉人掌圉游之獸禁牧百獸祭祀喪紀賓客其其生

獸死獸之物

獸人共生獸死獸囿人共生獸死獸之物者獸人所共田獵所罟囿人所共囿游所牧共其物若麋
膚熊蹯之類

場人掌國之場圃而樹之果蓏珍異之物以時斂而藏之凡祭祀賓客共其果蓏享亦如之

廩人掌九穀之數以待國之匪頒賜稍食以歲之上下數邦用以知足否以詔穀用以治年之凶豐凡萬民之食食者人四鬴上也人三鬴中也人二鬴下也

周官新詁 三
民之食可以誦計者校登夫家貴賤老幼廢疾之
數觀稼首斂稽比財物其灋詳也

若食不能人二誦則令邦移民就穀詔王殺邦用凡
邦有會同師役之事則治其糧與其食大祭祀則共
其接盛

舍人掌平宮中之政分其財守以灋掌其出入凡祭
祀共簠簋實之陳之

既共簠簋之器又以饔人所共之實實之陳之也

此法據
訂義增

賓客亦如之共其禮車米筮米芻禾喪紀共飯米熬

穀以歲時縣種稷之種以其王后之春獻種掌米粟之出入辨其物歲終則會計其政

倉人掌粟入之藏辨九穀之物以待邦用若穀不足則止餘灋用有餘則藏之以待凶而頒之凡國之大事共道路之穀積食飲之具

灋式所用有雖不足不可以已者有待有餘然後用者所謂餘灋用則待有餘而後用者

司祿

關

司稼掌巡邦野之稼而辨種稷之種周知其名與其所宜地以爲灋而縣于邑閭巡野觀稼以年之上下

出斂瀆掌均萬民之食而調其急而平其興

舂人掌共米物祭祀共其齎盛之米賓客共其牢禮之米凡饗食共其食米掌凡米事

饎人掌凡祭祀共盛共王及后之六食凡賓客共其簠簋之實饗食亦如之

舂人舂穀以爲米饎人炊米以爲食其職事相成故舂人祭祀共齎盛之米饎人祭祀共盛舂人賓客共牢禮之米而饎人共其簠簋之實饎人共王及后之六食饗食亦共簠簋之實而舂人不言共米則以言祭祀賓客從可知也

稟人掌其外內朝宬食者之食若饗者老孤子士庶
子共其食掌豢祭祀之犬

周官新義卷七

後學 王簡 校訂

效學 王簡 妹信

周官鴻臚卷十

牛共其食掌養雞豚之夫

梁人掌其牧內陳其食者之食

周官新義卷八

宋 王安石 謨

春官一

惟王建國辨方正位體國經野設官分職以爲民極
乃立春官宗伯使帥其屬而掌邦禮以佐王和邦國
禮官之屬大宗伯卿一人小宗伯中大夫二人肆師
下大夫四人上士八人中士十有六人旅下士卅有
二人府六人史十有二人胥十有二人徒百有廿人
凡有族則有祀祀則有宗宗典祀者也宗伯掌天
神人鬼地示之禮故謂之宗在四時之官爲長故

謂之伯

鬱人下士二人府二人史一人徒八人

鬯人下士二人府一人史一人徒八人

雞人下士一人史一人徒四人

司尊彝下士二人府四人史二人胥二人徒廿人

司几筵下士二人府二人史一人徒八人

天府上士一人中士二人府四人史二人胥二人徒

廿人

典瑞中士二人府二人史二人胥一人徒十人

典命中士二人府二人史二人胥一人徒十人

司服中士二人府二人史一人胥一人徒十人

典祀中士二人下士四人府二人史二人胥四人徒

四十八

守祧奄八人女祧每廟二人奚四人

守廟祧而名之曰守祧守祧則廟可知矣

世婦每宮卿二人下大夫四人中士八人女府二人

女史二人奚十有六人

內宗凡內女之有爵者

外宗凡外女之有爵者

冢人下大夫二人中士四人府二人史四人胥十有

二人徒百有廿人

墓大夫下大夫二人中士八人府二人史四人胥廿

人徒二百人

職喪上士二人中士四人下士八人府二人史四人

胥四人徒四十人

大司樂中大夫二人樂師下大夫四人上士八人下

士十有六人府四人史八人胥八人徒八十八人

大胥中士四人小胥下士八人府二人史四人徒四

十人

大師下大夫二人小師上士四人瞽矇上瞽四十八

中瞽百人下瞽百有六十人眡瞭三百人府四人史
八人胥十有二人徒百有廿人

典同中士二人府一人史一人胥二人徒廿人

典律同而名之曰典同典同則律可知矣

磬師中士四人下士八人府四人史二人胥四人徒
四十人

鍾師中士四人下士八人府二人史二人胥六人徒
六十人

笙師中士二人下士四人府二人史二人胥一人徒
十人

周官新考 三
鑄師中士二人下士四人府二人史二人胥二人徒
廿人

鞅師下士二人府一人史一人舞者十有六人徒四
十人

旌人下士四人舞者眾寡無數府二人史二人胥二
人徒廿人

籥師中士四人府二人史二人胥二人徒廿人

籥章中士二人下士四人府一人史一人胥二人徒
廿人

鞮鞻氏下士四人府一人史一人胥二人徒廿人

典庸器下士四人府四人史二人胥八人徒八十人
征伐所得之器而謂之庸器者庸民功也則征伐
之功凡以爲民非利其器故也

司干下士二人府二人史二人徒廿人

大卜下大夫二人卜師上士四人卜人中士八人下

士十有六人府二人史二人胥四人徒四十人

大卜以下大夫爲之而其官屬甚衆蓋先王重其
事故也大卜掌其瀆龜人辨其名物體色攻之取
之以其時上春則釁之而祭祀先卜及其卜也卜
師又辨其左右上下陰陽授命龜者而詔相之其

爇燹以明火其占也君占體大夫占色史占墨卜
人占坼既事則繫幣以比其命歲終則計其占之
中否先王用卜如此故卜可恃以知吉凶夫木之
有火明矣不致一以鑽之則不出龜亦何異於此

龜人中士二人府二人史二人工四人胥四人徒四
十人

華氏下士二人史一人徒八人

占人下士八人府一人史二人徒八人

簪人中士二人府一人史二人徒四人

占夢中士二人史二人徒四人

眠禘中士二人史二人徒四人

大祝下大夫二人上士四人小祝中士八人下士十
有六人府二人史四人胥四人徒四十人

喪祝上士二人中士四人下士八人府二人史二人
胥四人徒四十人

甸祝下士二人府一人史一人徒四人

詛祝下士二人府一人史一人徒四人

司巫中士二人府一人史一人胥一人徒十人

男巫無數女巫無數其師中士四人府二人史四人
胥四人徒四十人

神降之後在男曰巫在女曰覡故不預爲員數

太史下大夫二人上士四人小史中士八人下士十有六人府四人史八人胥四人徒四十人

馮相氏中士二人下士四人府二人史四人徒八人保章氏中士二人下士四人府二人史四人徒八人內史中大夫一人下大夫二人上士四人中士八人下士十有六人府四人史八人胥四人徒四十人外史上士四人中士八人下士十有六人胥二人徒廿人

御史中士八人下士十有六人其史百有廿人府四

人胥四人徒四十人
巾車下大夫二人上士四人中士八人下士十有六
人府四人史八人工百人胥五人徒五十人
典路中士二人下士四人府二人史二人胥二人徒
廿人
車僕中士二人下士四人府二人史二人胥二人徒
廿人
司常中士二人下士四人府二人史二人胥四人徒
十人
都宗人上士二人中士四人府二人史四人胥四人

徒四十人
士二人
中士四人
甸人二人
史四人
胥四人
家宗人如都宗人之數

凡以神仕者無數以其藝爲之貴賤之等
胥四人
大宗伯之職掌建邦之天神人鬼地示之禮以佐王
建保邦國
士二人
中士四人
甸人二人
史四人
胥二人
士
廿大宗伯之禮或以神鬼示爲序或以鬼神示爲序
或以神示鬼爲序以神鬼示爲序定上下也以鬼
人神示爲序辨內外也以神示鬼爲序明尊卑也定
甲上下然後辨內外辨內外然後明尊卑禮之序也
以吉禮事邦國之鬼神示以禋祀祀昊天上帝以實

柴祀日月星辰以禋燎祀司中司命飆師雨師以血
祭祭社稷五祀五嶽以貍沈祭山林川澤以鬻辜祭
四方百物以肆獻裸享先王以饋食享先王以祠春
享先王以禴夏享先王以嘗秋享先王以烝冬享先王

謂之建邦之天神人鬼地示之禮則禮當自王出

故也謂之事邦國之鬼神示則其所事非特王國

而已禋者意之精也無事於氣矣義疏引作禋者

於血者物之幽也無事於形矣義疏引作血者氣

實柴禋燎用氣而已貍沈鬻辜則用形焉氣親上

形親下各從其類也柴而實牲然後禋燎天祀之

所同也或言實柴或言禋燎則相備而已相備而
言實柴於上言禋燎於下以先後爲尊卑也山林
之受物也以狸川澤之受物也以沈以狸沈祭焉
則各以其物宜也四方異體肆而不全百物異用
制而不變以鬻辜祭焉則亦各以其物宜也天祀
用物氣而貴精地祭用物形而貴幽鬼享用人義
而貴時羞其肆而酌獻焉則以裸享先王其裸也
猶事生之有饗也羞其熟而饋食焉則以食享先
王其食也猶事生之有食也饗以陽爲主故禘以
夏食以陰爲主故祫以冬春物生未育以享也其

享也以詞為主刪翼引作主故春曰祠夏則陽盛

矣其享也以樂為主故夏曰禴秋物成可嘗矣其

享也嘗而已故秋曰嘗義疏引作秋物冬則物眾

其享也烝眾物焉故冬曰烝義疏引作冬物大備

同冬辨於物之時而以冬禘者唯辨於物然後

與其合故也郊血郊特牲則天祀非無血非不用

形王賓殺禋蕭合黍稷臭陽達於牆屋則鬼享非

無禋非不用氣然則祀也祭也享也各有所主而

已祀有昊天而無五帝有司中司命而無司民司

祿祭有社稷而無大示有五嶽而無四瀆有山林

川澤而無邱陵墳衍享有先王而無先公與大烝之所祭者則祀典所秩於此不可勝言也上下比義從可知矣

以凶禮哀邦國之憂以喪禮哀死亡以荒禮哀凶札以弔禮哀禍裁以禴禮哀圍敗以恤禮哀寇亂不以喪禮荒禮以彼喪荒哀之也弔禮禴禮恤禮以我弔禴恤哀之也哭亡謂之喪死亡斯哭之矣人亡而草生之謂之荒凶札斯荒矣禮記曰反而亡焉失之矣於是爲甚始死也哀其死旣葬矣則哀其亡焉弔以慰之禴以補之恤以救之寇亂則及事

時故救之圍敗在事後故補之而已死亡凶札禍
裁天事也死亡爲重凶札次之禍裁爲輕圍敗寇
亂人事也圍敗爲重寇亂爲輕此凶禮之序也

以賓禮親邦國春見曰朝夏見曰宗秋見曰覲冬見
曰遇時見曰會殷見曰同時聘曰問殷頰曰視

以歲譬日則春朝時也故春見曰朝夏則萬物相
見於是時也有爲之宗者故夏見曰宗秋非萬物
相見之時於是見焉可謂勤矣故秋見曰覲冬則
物辨矣莫爲之宗亦莫之宗其見也若邂逅然故
冬見曰遇時見曰會者將命以事召而會之有時

而然故曰時會殷見曰同者王不巡守會而見之
殷國所同故曰殷同時聘以恩問之而已故時聘
曰問殷類以事有所察治故殷類曰視凡此諸禮
或大或小或如常禮唯其時物故或言大或言小
或不言大小

以軍禮同邦國大師之禮用眾也大均之禮恤眾也
大田之禮簡眾也大役之禮任眾也大封之禮合眾
也

用眾用其命恤眾恤其事簡眾簡其能任眾任其
力合眾合其志地有定域民有常主則所以合其

志也用其命而不知恤其事恤其事而不知簡其
能簡其能而不知任其力任其力而不知合其志
非所以爲軍禮軍禮以用其命爲主以合其志爲
終始

以嘉禮親萬民以飲食之禮親宗族兄弟以昏冠之
禮親成男女以賓射之禮親故舊朋友以饗燕之禮
親四方之賓客以賑膳之禮親兄弟之國以賀慶之
禮親異姓之國

以飲食之禮親宗族兄弟者宗族兄弟飲食之而
已致其愛故也四方之賓客則有饗燕之禮焉致

其敬故也昏冠之禮親成男女者昏以親之冠以成之冠以成之者男也而曰親成男女則男帥女而成之也成男也乃亦所以成女先昏後冠則親之而後成之以賑膳之禮親兄弟之國者與之同福祿也異姓之國則不與同福祿矣故以賀慶之禮親之親宗族兄弟然後親成男女以尊及卑也親故舊朋友然後親四方之賓客以近及遠也四方之賓客以禮來接我者也兄弟異姓之國則我以禮往加焉此嘉禮之序也

以九儀之命正邦國之位壹命受職再命受服三命

受位四命受器五命賜則六命賜官七命賜國八命
作牧九命作伯

以玉作六瑞以等邦國王執鎮圭公執桓圭侯執信
圭伯執躬圭子執穀璧男執蒲璧

以禽作六摯以等諸臣孤執皮帛卿執羔大夫執鴈
士執雉庶人執鶩工商執雞

其道足以衣被入而飾之以炳蔚之文章者孤之
事也故孤執皮帛羣而不黨致恭以有禮者卿之
事也故卿執羔進不失其時行不失其序者大夫
之事也故大夫執鴈交有時別有倫守死而不犯

分披文以相質者士之事也故士執雉可畜而不散遷者庶人之事也故庶人執鶩可畜而不違時者工商之事也故工商執雞飾羔鴈者以績則卿大夫宜亦能衣被入而有文章故也

以玉作六器以禮天地四方以蒼璧禮天以黃琮禮地以青圭禮東方以赤璋禮南方以白琥禮西方以玄璜禮北方皆有牲幣各放其器之色

天之色蒼則其始事之時地之色黃則其終功之時璧辟也萬物親地而天爲之辟琮宗也萬物祖天而地爲之宗以蒼璧禮天則天以始事爲功以

黃琮禮地則地以終功爲事赤陽之盛色章陰之
成事赤璋者以陽之盛色物之以陰之成事名之
玄陽之正色黃陰之盛色玄璜者以陽之正色物
之以陰之盛色名之南北者陰陽之雜故也青圭
則象陽之生而已白琥則象陰之殺而已東西陰
陽之純故也以其陽之純故成衆焉以其陰之純
故效灋焉南陽也陰居其半故半圭而已北陰也
陽居其半故半璧而已皆有牲幣各放其器之色
則亦各從其類也

以天產作陰德以中禮防之以地產作陽德以和樂

防之以禮樂合天地之化百物之產以事鬼神以諧萬民以致百物

天產養精故以作陰德陰德所以行陰禮者也以中禮防之則使其不淫地產養形故以作陽德陽德所以行陽禮者也以和樂防之則使其不怠天地之化是謂大和百物之產則亦天地之和而已中禮和樂所以合之合而與天地同流然後可以事鬼神諧萬民致百物

凡祀大神享大鬼祭大示帥執事而卜日宿眡滌濯涖玉鬯省牲饗奉玉齋詔大號治其大禮詔相王之

大禮若王不與祭祀則攝位凡大祭祀王后不與則攝而薦豆籩徹大賓客則攝而載果

大賓客攝而載果者亦王后不與而攝也

義疏引作注以

攝果爲代王非也亦謂王后不與而攝其事

朝覲會同則爲上相大喪亦如之王哭諸侯亦如之

王命諸侯則僨國有大故則旅上帝及四望

相相王僨僨諸侯

王大封則先告后土乃頒祀于邦國都家鄉邑

王大封則先告后土乃頒祀於邦國都家鄉邑者

建邦國而封之所謂大封其頒祀則及其都家與

其鄉邑蓋諸侯之鄉與其子弟所食采亦謂之都
書所謂簡恤爾都左氏傳所謂邑有先君之主曰
都是也言告后土則告於社可知后土配食於社
者也不告稷則大封土事稷無與焉禮之道施報
而已以吉禮事邦國之鬼神示則施報之大者以
凶禮哀邦國之憂則施報之急者能務施報以主
天下之平則能賓諸侯一天下有不帥也軍禮於
是乎用矣無敢不帥然後人得各保其常居而嘉
禮行焉此五禮之序也禮之行有以賢治不肖有
以貴治賤正之以九儀則尚賢以治不肖貴貴以

治賤也等之以六瑞則又各使之上同等之以六
摯則又各使之自致人各上同而自致則禮出於
一而上下治外作器以通神明之德內作德以正
性命之精禮之道於是爲至禮至矣則樂生焉以
禮樂合天地之化百物之產則宗伯之事於是爲
至夫然後可以相王之大禮而攝其事贊王之大事而頌其政

小宗伯之職掌建國之神位右社稷左宗廟兆五帝
於四郊四望四類亦如之兆山川丘陵墳衍各因其
方掌五禮之禁令與其用等辨廟祧之昭穆辨吉凶

之五服車旗宮室之禁掌三族之別以辨親疏其正室皆謂之門子掌其政令毛六牲辨其名物而頒之於五官使共奉之辨六齋之名物與其用使六宮之人共奉之辨六彝之名物以待果將辨六尊之名物以待祭祀賓客掌衣服車旗宮室之賞賜掌四時祭祀之序事與其禮若國大貞則奉玉帛以詔號大祭祀省牲眡滌濯祭之日逆齋省鑊告時于王告備于王凡祭祀賓客以時將瓚裸詔相祭祀之小禮凡大禮佐大宗伯賜卿大夫士爵則僮小祭祀掌事如大宗伯之禮大賓客受其將幣之齋若大師則帥有司

鄉故左宗廟位宗廟於人道之所鄉則不死其親之意兆五帝於四郊尊之也兆山川丘陵墳衍各因其方賓之也以尊而遠之也知宗廟之爲親以賓而外之也知社稷之爲主各於其郊各因其方則猶鬼神示之居以方類也辨廟祧之昭穆者昭以察下爲義穆以敬上爲義正室謂之門子者以其當室故謂之正室以其當門故謂之門子毛六牲辨其名物而頒之于五官使其奉之者六牲天產故也辨六齋之名物使六宮之人共奉之者六齋地產故也辨六彝之名物以待禘將辨六尊之

名物以待祭祀賓客者尊彝皆以待祭祀賓客於
彝言裸將於尊言祭祀賓客相備也言彝裸將則
尊酌獻可知也尊酌以獻居其所而爵者從之故
謂之尊彝酌以裸求諸陰而已陰有常而無變故
謂之彝彝人先尊後彝卑而尊尊故也今此先
彝者以言其用用則先彝矣若國大貞則奉玉帛
以詔號者大貞卜大事而貞之貞與書所謂我二
人共貞同義饁獸於郊者還舍於郊以獸饁田眾
也言獸則饁眾宜用大焉小宗伯之職始於建社
稷宗廟諸神之祀節莫差於僭僭莫重於祀故以

季氏而旅於泰山孔子病之掌五禮之禁令與其用等則以防僭故也用等之不同有尊卑焉於是乎辨廟祧之昭穆有貴賤焉於是乎辨五服車旗宮室之禁有親疏焉於是乎掌三族之別以辨親疏尊卑貴賤親疏分守以明然後人得保其祭祀祭祀有宗所謂門子是也於是乎掌門子之政令門子以族得民者也得其門子斯得其民矣得其民然後王之禮有與其其物奉其事於是乎辨牲齎尊彝之名物以待祭祀賓客上有以其其物奉其事則下亦宜有焉於是乎掌衣服車旗宮室之

賞賜上下皆有以共其物奉其事則以時秩其事
用其禮而已於是乎掌四時祭祀之序事與其禮
用其禮則亦有序事矣既建社稷宗廟諸神之祀
於是乎詔號既辨六牲之名物於是乎省牲既辨
六齋之名物於是乎逆齋若夫滌濯省鑊告時告
備則各附其事時言之而已既辨六彝之名物於
是乎將瓚裸若夫爵之事則有宰尸之故不列於
此既掌四時祭祀之序事與其禮於是乎詔相大
祭祀之小禮凡大事佐大宗伯小祭祀掌事如大
宗伯之禮既掌衣服車旗宮室之賞賜於是乎王

爵卿大夫則儻儻列於小祭祀掌事之上則小祭祀之禮卑於爵卿大夫故也既待賓客以六彝以時將瓚裸於是乎受大賓客將幣之齋禮之道務施報而已受將幣之齋則邦國享王而施報之禮成矣大師大甸大裁之禮則以待變事而已大肆斂葬喪祭之禮則以待終事而已夫禮以事天地鬼神建保邦國防患弭災爲終始故以禱祠及類肄儀爲位終焉又曰凡國之大禮佐大宗伯小禮掌事如大宗伯之儀則事多故矣禮多儀矣唯其以時物也小宗伯之禮事不盡於上所言故凡以

該之

周官新義卷八

後學 王簡 校訂

(B)
090.8
3382
[v.12]
no.2
0356839

周官新詁

卷八

周官新詁卷八

周官新詁

卷八

(B)
090.8
3382
[v.12]
no.2